

序

保定爲畿輔省會統州二縣十
有五而定興隸焉定興古范陽
地唐爲道縣金大定間改名定
興屬涿州後屬易州前明洪武
改屬保定余自丙申佐郡嘗奉

檄馳驅知其地當孔道有郵傳
之勞民性樸淳無浮囂之習竊
喜風猶近古可與圖治欲攷其
山川披其圖籍而商確於古今
治術之宜適山左王君令茲邑
以新志十二卷問序於予余惟

蘭臺作地理志汝南風俗通遂
爲濫觴嗣後郡縣引其義類變
文起例間有成書要亦官斯土
者餘力及之非有功令督責若
簿書期會也顧志之所關於政
術者甚大縣令職司撫字必先

周知其疆域之廣表戶口之多
寡貢賦之重輕以及物土人情
之貞滯厚薄而後可興利除弊
以幾於治志固其得失之林也
使視其官如傳舍以是爲不急
之務後先相望瞬息百年斷簡

殘編日就湮沒後之人又何以
採風問俗因其地而善爲理耶
王君蒞任甫逾載卽成此舉且
能分門別類援据雅馴其間斥
淫祠揚善類崇典禮於世道人
心更爲深切可謂知當務矣抑

聞知之非艱行之惟艱斯志也
所以知一邑之事而不疑於所
行者皆于是乎在夫豈徒資叅
証云爾哉余喜王君之勇於有
爲而尤願與二州十五縣舉休
養生息之計率作而力行之以

其收夫成效也爰不辭而爲之
序

賜進士出身保定府同知前翰
林院庶吉士知容城棗強縣事
薛田玉撰

定興縣志原序

周禮外史氏掌四方之志上之天子夫三代封建既一國各有史氏世官以記其國中之事矣而天子復設外史以掌其志豈列國紀載或有未實而特爲是官以統攝之歟是邑志之來久矣而况易封建爲郡縣又密邇

京師值

聖世休養斯民仁漸義摩致風物於亨嘉之會而可無志記以備

聖朝文獻之所徵信乎今張令有志於著述而不屑僅僅定興縣志

卷之一 原序

一

爲俗吏之爲可嘉也余忝奉

簡書每按部校士輒考其地之文獻思勒成一書如古輶軒記聞之類以不負史官之職覽張令之茲志而美其發凡起例之槩有合於古外史氏之掌也有起余之功也夫

皆

康熙十二年歲次癸丑夏五之吉提督順天等處學政翰林院侍讀楚江安王澤宏撰

定興縣志原序

洛陽張君宰定興之明年早夜恪勤善於其職慨然
慮文獻之久湮以修明爲己任鳴琴之暇爰取邑誌
而纂輯之閱數月而書成乞余爲之序余讀竟嘆曰
美哉典而核直而有體明辨而多風邑其藉是書以
傳乎嘗考周官小史掌邦國之誌外史掌四方之誌
歲行人采風以觀治辨謠俗而閭胥族師黨正鄉大
夫各有所書以登于王咸隸於史云迨及東漢南陽
撰記風俗郡縣始各自爲誌夫述往示來俾邑無遺
善人有觀型此良有司職也定邑咫尺

定興縣志

卷之一

原序

丁

一

皇畿聲名文物赳赳有鄒魯風而縣自金元建置以來
迄無成書設長吏撫循茲土而委掌故於草莽則民
行何自而興觀風問俗者於何而考是定邑之不可
以一日無誌也明矣然郡縣皆有誌而惟定獨無則
蒐羅釐訂事繁而功倍此修明之實難其人也蓋誌
必綜古今核名實訂覈驗識可以觀學褒貶必真臧
否以之義例燦焉可以觀政趨適信遠繼懲昭勸有
類於史可以觀世苟非湛深乎經術恢擴乎才猷者
未易勝任而愉快也乃余考定邑一志稿凡幾易而
人輒數更或修矣而業仍未竟或竟矣而書不果梓

豈非難其人尤難其會歟今張君之爲是舉也無因循無草率與定之士大夫網羅舊聞搜求遺逸加以筆削使事無遺旨文絕煩稱而一邑之中上下數百年人物事蹟興廢得失之故展卷瞭如則是書也所以補從前之缺典而備今日一統之採輯者於是乎在寧僅一邑藉是以傳也哉是爲序

賜進士出身管理直隸錢穀守道副使前內國史院侍讀三韓丁思孔書於保陽署中之嘉樹軒

昔

康熙十一年歲次壬子季冬上浣之吉

定興縣志

卷之一

原序 丁

二

定興縣志原序

一天下也而人自爲古今地自分南北若不有書以記載之則上古之淳龐幾同於叔季之衰薄而南北風氣亦無繇別是記載之書不可一日不備故自省會而滎邑俱各有志志卽言乎其記也記其人之忠孝節義也記其地之土田貢賦也志存則事彰志亡則事沒有民社一日之責者烏得不以志之有無是念定邑爲古范陽地其地凝厚其人多慷慨俠烈之槩前之散見於史冊者班班可攷獨是縣志一書自金元分設以來迄今四百餘年缺而無傳使蒞茲土

定興縣志

卷之一

原序 沈

一

者入境茫然豈非一大缺陷乎然其間豈無擔當民事者出而修舉之何以三易代而此志卒不成何耶今洛陽張子陶庵來視邑事下車首詢父老以志書未備愀然心疚遂毅然自任舉四百餘年未竟之緒一旦告厥成功其任事也何其勇若延請者顧其相校正并棗梨剗削之費悉出清俸不一毫累民其行已也何其潔書成頒示案牘之暇繙閱數過見其書其辭古其事詳其意深且遠其情永以長由其胸有全史故筆無纖塵至於博採之勞刪訂之苦於湮沒無傳之後不以泌漏見譏幾嘔心血矣

不佞性迂拙

短於才治罷兩期凡所措置因人鹿鹿近且奉
俞旨仿秦豫例纂修八府通志各 上憲奉行甚力分檄
各屬徵取舊志以備參考又恐年歲久遠復旁加搜
括遺事茲定邑之志燦若列眉不大有當於

當宁之心者乎爰是知張子之功大矣遂搦管而述其
顛末云敢曰序乎哉康熙壬子臘月上澣之吉知保
定府事吳陵沈喬生書

定興縣志原序

郡邑之有誌書其間山川風土人物一以佐輜軒使之采訪一以補春秋史之所不及是上有禪於聖教下有係於民風誠鉅典也上谷為

天子股肱郡而定興一邑距郡百二十里在尾星度內實古燕趙之名區其他未暇悉數第舉其大槩如名勝督亢金臺易水拒馬河之類如名宦名賢樂毅郭隗高漸離祖述之輩皆灼灼震耀人耳目者使其畧載於史冊而其詳未登於邑誌顧令山川風土人物之精英埋沒於郊草村烟明沙濯浪中豈非賢士大夫之過歟張公鳴琴之暇以四百餘年未成之誌與尚許苗王諸君子力取而成之俾

聖教民風重光茲士余適備員上谷躬逢盛事然張公與予同里雖薦一行附諸簡末未敢出一分外駁釐語隣於阿好想自有千秋公論同邑誌為不朽者在耳賜進士出身直隸保定府清軍鹽捕同知洛陽何玉如

撰

定興縣志

卷之一

原序 何

一

凡例

一 邑志例有八景多屬湊合近時修志者往往刪之不爲無見蓋觀山川者當知其源委形勢沾沾于景抑未矣至於朝暉夕蔭氣象萬千一涉着滯反多掛漏但舊志所載八景詩率皆名人題咏不敢掩沒採其尤佳者載諸藝文志

一 壇壝廟宇祀典攸關自當專列一門若招提蘭若不與祀典者一體臚列似非體制所宜茲特分別附于古蹟門

一 文廟及兩廡賢儒位次籩豆牲帛之數舊志不載以定興縣志

卷之一 凡例

詳在會典故也竊以典制固所以尊崇前人亦所以昭示來茲誠恐閱年閱世或有殘缺損壞應行修整之處一時反難於攷核謹列於篇以爲數典之據

一 牌坊之建無非表厥宅里之意然所重在人不在于坊故名臣賢士以及貞孝節烈旣表章於各傳中不復另載其坊額

一 我朝文武並重舊志職官門獨缺武職夫防禦鎮戍量地設兵所係匪輕茲特攷自本朝纂而續之以昭畫一之制

一 忠臣孝子義夫節婦地靈所產國家元氣攸關有則

借光志冊不厭其多或云與旌典者則書未與旌典者則不書恐非顯微彰幽之意今於已未旌獎概列於篇以光志乘

一舊志各門類各有小叙各門類中之分別又各有叙殊覺繁複况其文易腐易浮易雷同他志徒費物力無用也茲於各門類篇首止各擬一小敘以識載記之由

一志乘之修原爲世道人心計其有關於政教者載之務詳其無關於政治者例當畧去茲於舊志刊爲增損總期摘要芟蕪以俟有識者之教政焉僭踰之咎

定興縣志

卷之一

凡例

二

在所不免也夫

定興縣志原序

余讀韓昌黎文至送董邵南序未嘗不掩卷而三致意焉因思燕趙多感慨悲歌之士所忻慕而願執鞭每從公車往來輒信宿留連徘徊不忍去間又取廣輿記閱之有所謂黃金築臺以待天下士曠百世而相傳豈無所記載以不失其實哉故國有史邑有乘家有譜槩不可缺也辛亥秋予奉

命牧茲土舉向之所忻慕執鞭者今竟周旋於縉紳先生都人士之左右矣舉向之所信宿留連徘徊不忍去者今竟朝於斯夕於斯操刀學割忝然居民之上矣

定興縣志

卷之一

原序

張

肩斯任也詎可忽乎哉凡天文地理以及邑中山川形勢戶口丁徭地畝錢糧風俗人物疆圉險要一切利弊興革廢墜修舉彰往昭來之事苟非洞悉於中豈不有負

聖天子委任勤民之至意政事餘欲訪黃金臺舊址登臨憑弔遠挹流風周覽近日城郭豐歉狀詢及邑志始知自金元立縣以來迄今四百餘載久屬缺典前人三欲輯而卒未果噫嘻異哉真缺典也烏可不修隨具文申請 各憲僉爲許可廣採博蒐而得橋山人識畧一書休暇之際研稽往事備參新聞刪繁補闕

彙集成帙復延鴻儒重加訂證雖無司馬董狐之筆
而是非公道炳如日星不敢少爲假借俾瑜掩而瑕
彰以貽後世羞也楮棗剗剗之費悉不爽其前申始
於七月初旬至十月旣望甫告成凡定邑之地理情
形人丁盈縮田土荒熟錢糧多寡與夫兵農禮樂忠
孝節義一展卷而瞭然於心目矣是役也按譜而索
利興害除廢舉墜修彰往昭來之事雖爾條貫縷悉
尤望後之君子因革補救匡其未濟此不過畢風願
以完四百餘年未渠之局備 觀風者採擇焉敢曰
志云乎哉康熙十一年壬子冬小春朔之吉知定興

定興縣志

卷之一

原序 張

事洛陽張其珍題

重修定興縣志序

定興設縣自金大定八年始越
四百餘年洛陽張君來令是邑
始創修縣志由數百年後綜叙
數百年以前事考據頗爲詳盡
及今又百有七年矣其間

定興縣志

卷之一 序

國家典制隨時更定者有之風俗
習尚因人改移者有之扶輿磅
礪鍾靈毓秀又值

重熙累洽教化修明之後鼓勵氣節
感發理義人心世道蒸蒸日上
其足以光載籍而榮梓里者以

今視昔夫豈少耶余以戊春來
一視邑篆下車索志書披閱卽思
續輯案牘倥偬姑未暇及越十
月諸務稍清進都人士共謀之
咸踴躍從事遂與分路採摭細
核輿論卽舊志所存分綱別目

畧加芟汰以新收者依類編入
共成十二卷事增於舊十之二
文省于舊十之一蓋存幹不存
枝也昌黎有言莫爲之前雖美
弗彰莫爲之後雖盛弗傳張君
總四百餘年之遺事探討經營

彙而成帙俾後之覽者有以追
既往起將來其爲功甚鉅繼此
則非所知也余爲哀而益之固
足以補舊志所未及然亦百七
年以內事耳繼繼繩繩永久勿
替則所望於後之同志也夫

乾隆四十四年歲次己亥雲崖
王錫璫序